



21 MAY, 2022

## Jumlah perdagangan naik 21.3 peratus kepada RM231.44 billion

Utusan Sarawak, Malaysia

Page 1 of 2

# Jumlah perdagangan naik 21.3 peratus kepada RM231.44 billion

**KUALA LUMPUR:** Prestasi perdagangan Malaysia mengekalkan momentum peningkatan pada April 2022 dengan jumlah perdagangan menokok 21.3 peratus tahun ke tahun kepada RM231.44 billion, sekali gus merupakan pertumbuhan dua digit ke-15 bulan berturut-turut.

"Dalam kenyataan baru-baru ini, Kementerian Perdagangan Antarabangsa dan Industri (MITI) berkata perdagangan, eksport, import dan lebihan dagangan mencatatkan nilai bulanan tertinggi pada April.

Katanya, eksport meningkat 20.7 peratus kepada RM127.49 billion, pertumbuhan dua digit tahun ke tahun kesembilan bulan berturut-turut.

Sementara itu, import berkembang 22 peratus kepada RM103.95 billion dan lebihan dagangan meningkat 15.7 peratus kepada RM23.55 billion.

"Pertumbuhan eksport disokong oleh peningkatan eksport barangan elektrik dan elektronik (E&E) terutamanya semikonduktor yang dipacu oleh trend pendigitalan global.

"Eksport ke pasaran utama khasnya ASEAN, China, Amerika Syarikat (AS), Kesatuan Eropah (EU) dan Jepun merekodkan pertumbuhan dua digit.

"Sementara itu, eksport ke AS merekodkan nilai bulanan tertinggi setakat ini," menurut kenyataan itu.

MITI menjelaskan, berdasarkan perbandingan bulan ke bulan, perdagangan, eksport, import dan lebihan dagangan masing-masing berkurangan sebanyak 2.1 peratus, 3.1 peratus, 0.9 peratus dan 11.6 peratus.

Kementerian berkata, perdagangan, eksport, import dan lebihan dagangan telah merekodkan nilai tertinggi bagi tempoh Januari hingga April 2022.

"Perdagangan meningkat 22.9 peratus kepada RM856.21 billion berbanding tempoh yang sama tahun lepas.

"Eksport naik 21.8 peratus kepada RM472.39 billion dan import tumbuh 24.3 peratus kepada RM383.82 billion. Lebihan dagangan berkembang 12.1 peratus kepada RM88.57 billion," katanya.

Mengenai prestasi eksport sektor utama, MITI berkata, kesemua sektor utama merekodkan pertumbuhan dua digit eksport pada April 2022. Eksport barangan perkilangan pada April 2022 yang menyerap 84.2 peratus daripada jumlah eksport, naik 17.2 peratus tahun ke tahun kepada RM107.39 billion.

Katanya, ia disumbangkan oleh kenaikan eksport barangan E&E, barangan perkilangan logam, kimia dan bahan kimia serta barangan perkilangan berasaskan minyak

sawit, di mana setiap barangan ini telah merekodkan peningkatan lebih RM1 billion.

MITI berkata, eksport keluaran pertanian (lapan peratus syer) meningkat 29.9 peratus kepada RM10.2 billion berbanding April 2021, pertumbuhan dua digit ke-14 bulan berturut-turut yang disumbangkan kenaikan eksport minyak sawit dan keluaran pertanian berasaskan minyak sawit.

Eksport hasil galian (7.3 peratus syer) berkembang 64.6 peratus tahun ke tahun kepada RM9.33 billion, pertumbuhan dua digit ke-13 bulan berturut-turut yang disokong oleh pertumbuhan eksport gas asli cecair (LNG) dan petroleum mentah, katanya.

Berbanding Mac 2022, eksport barangan perkilangan, keluaran pertanian dan hasil galian masing-masing menyu-

sut 1.9 peratus, 3.5 peratus dan 13.4 peratus.

Bagi tempoh Januari hingga April 2022, MITI menjelaskan eksport barangan perkilangan berkembang 17.6 peratus kepada RM399.04 billion berbanding tempoh yang sama pada 2021, disokong oleh eksport kukuh barangan E&E, keluaran petroleum, barangan perkilangan logam, kimia dan bahan kimia serta barangan perkilangan berasaskan minyak sawit.

Eksport keluaran pertanian menokok 43.6 peratus kepada RM37.37 billion, dipacu oleh kenaikan eksport minyak sawit dan keluaran pertanian berasaskan minyak sawit.

Sementara itu, eksport hasil galian melonjak 60.4 peratus kepada RM33.74 billion, disumbangkan oleh kenaikan eksport LNG, petroleum mentah serta bijih logam dan serpihan logam, katanya.

Berhubung prestasi perdagangan dengan pasaran utama, MITI berkata pada April 2022, perdagangan dengan ASEAN merangkumi

26.1 peratus daripada jumlah perdagangan Malaysia, berkembang 21.4 peratus tahun ke tahun kepada RM60.48 billion. – Bernama



21 MAY, 2022

## Jumlah perdagangan nalk 21.3 peratus kepada RM231.44 billion

Utusan Sarawak, Malaysia

Page 2 of 2

### SUMMARIES

KUALA LUMPUR: Prestasi perdagangan Malaysia mengekalkan momentum peningkatan pada April 2022 dengan jumlah perdagangan menokok 21.3 peratus tahun ke tahun kepada RM231.44 bilion, sekali ggs merupakan pertumbuhan dua digit ke-15 bulan berturut-turut. Oalam kenyataan baru-baru ini, Kementerian Perdagangan Antarabangsa dan Industri (MITI) berkata perdagangan, eksport, import dan lebihan dagangan mencatatkan nilai bulanan tertinggi pada April. Katanya, eksport meningkat 20.7 peratus kepada RM127.49 bilion, pertumbuhan dua digit tahun ke tahun kesembilan bulan berturut-turut.